

Теміртау қалалық мәслихатының 2024 жылғы 25 шілдедегі № 17/4 "Теміртау қаласы мен Ақтау кентінде тұрғын үй көмегін көрсету мөлшері мен тәртібін айқындау туралы" шешіміне өзгерістер енгізу туралы

Қарағанды облысы Теміртау қалалық мәслихатының 2025 жылғы 27 қарашадағы № 36/5 шешімі. Қазақстан Республикасының Әділет министрлігінде 2025 жылғы 1 желтоқсанда № 37510 болып тіркелді

Теміртау қалалық мәслихаты ШЕШІМ ҚАБЫЛДАДЫ:

1. Теміртау қалалық мәслихатының 2024 жылғы 25 шілдедегі № 17/4 "Теміртау қаласы мен Ақтау кентінде тұрғын үй көмегін көрсету мөлшері мен тәртібін айқындау туралы" шешіміне (Нормативтік құқықтық актілері мемлекеттік тіркеу тізілімінде № 6627-09 болып тіркелген) келесі өзгерістер енгізілсін:

шешімнің тақырыбы жаңа редакцияда мазмұндалсын:

"Теміртау қаласы мен Ақтау кентіндетұрғын үй көмегін көрсетудің мөлшері мен қағидаларын айқындау туралы";

шешімнің 1-тармағы жаңа редакцияда мазмұндалсын:

"1. Теміртау қаласы мен Ақтау кентіндетұрғын үй көмегін көрсетудің мөлшері мен қағидалары осы шешімнің 1-қосымшасына сәйкес айқындалсын.";

1-қосымшаның тақырыбы жаңа редакцияда мазмұндалсын:

"Теміртау қаласы мен Ақтау кентінде тұрғын үй көмегін көрсетудің мөлшері мен қағидалары";

көрсетілген шешімнің 1-қосымшасында:

2-тармақ жаңа редакцияда мазмұндалсын:

"2. Тұрғын үй көмегі кондоминиум объектісін басқаруға және кондоминиум объектісінің ортақ мүлкін күтіп-ұстауға, оның ішінде кондоминиум объектісінің ортақ мүлкін күрделі жөндеуге жұмсалатын шығыстарды, коммуналдық қызметтерді және телекоммуникация желісіне қосылған телефон үшін абоненттік төлемақының өсуі бөлігінде байланыс қызметтерін тұтынуға, мемлекеттік тұрғын үй қорынан берілген тұрғынжайды және жеке тұрғын үй қорынан жергілікті атқарушы орган жалдаған тұрғынжайды пайдаланғаны үшін шығыстарды төлеу сомасы мен көрсетілетін қызметті алушылардың осы мақсаттарға жұмсайтын шығыстарының 5 (бес) пайыз мөлшерінде белгілеген шекті жол берілетін деңгейінің арасындағы айырма ретінде айқындалды.";

5-тармақ жаңа редакцияда мазмұндалсын:

"5. Тұрғын үй көмегінің мөлшерін "Тұрғын үй көмегін көрсету қағидаларын бекіту туралы" Қазақстан Республикасы Өнеркәсіп және құрылыс министрінің 2023 жылғы 8 желтоқсандағы № 117 бұйрығымен (Нормативтік құқықтық актілері мемлекеттік тіркеу

тізілімінде № 33763 болып тіркелген) (бұдан әрі – тұрғын үй көмегін көрсету Қағидалары) бекітілген нормалар шегінде көрсетілетін қызметті беруші есептейді.

Тұрғын үй көмегі көрсетілетін қызметті алушыға кондоминиум объектісін басқаруға және кондоминиум объектісінің ортақ мүлкін күтіп-ұстауға, оның ішінде кондоминиум объектісінің ортақ мүлкін күрделі жөндеуге жеткізушілер ұсынған ай сайынғы жарналар туралы шоттарға және шығыстар сметасына сәйкес бюджет қаражаты есебінен көрсетіледі."

2. "Теміртау қалалық мәслихатының аппараты" мемлекеттік мекемесі Қазақстан Республикасының заңнамасында белгіленген тәртіппен:

1) осы шешімнің "Қазақстан Республикасының Әділет министрлігі" мемлекеттік мекемесінде мемлекеттік тіркелуін;

2) осы шешімді ресми жарияланғаннан кейін Теміртау қалалық мәслихатының интернет-ресурсында орналастырылуын қамтамасыз етсін.

3. Осы шешімның алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Қалалық мәслихат төрағасы

А. Ломакин